

Preasráiteas

09-03-2021 - 19:36
20210304|PR99206



Clár infheistíochta nua, InvestEU, glactha ag an bParlaimint

- É mar aidhm leis an gclár thart ar €400 billiún in infheistíochtaí breise a ghiniúint
- Cúnamh le fáil ag cuideachtaí chun teacht trí phaindéim COVID-19
- Seolfar infheistíochtaí leis an gclár a bheadh deacair a mhaoiniú dá uireasa



Gorodenkoff/Adobe Stock

Ba cheart do InvestEU infheistíochtaí straitéiseacha, inbhuanaithe agus nuálacha a chothú

©AdobeStock/Gorodenkoff

GA

Seirbhís preasa, Ardstiúrthóireacht na Cumarsáide
Parlaimint na hEorpa - Urlabhraí: Jaume Duch Guillot
An uimhir lasc-chláir don phreas: (32-2) 28 33000

114

Dé Máirt, ghlac Feisirí an clár nua InvestEU a spreagfaidh infheistíochtaí poiblí agus príobháideacha agus a chinnteoidh rochtain shimplithe ar mhaoliniú.

Thacaigh an Pharlaimint leis an gcomhaontú sealadach ar thángthas air leis an gComhairle le 496 vóta i bhfabhar, 57 vóta i gcoinne agus 144 ag staonadh.

Tá €26 billiún (i bpraghsanna reatha) curtha i leataobh i mbuiséad an Aontais mar ráthaíocht do InvestEU, a mheastar a spreagfaidh €400 billiún a bheidh le hinfhestiú ar fud an Aontais Eorpaigh idir 2021 agus 2027. Is cuid den phacáiste téarnaimh €750 billiún, 'Next Generation EU', é an clár nua. Cothóidh sé infheistíochtaí straitéiseacha, inbhuanaithe agus nuálaíocha agus rachaidh sé i ngleic le cásanna de chliseadh sa mhargadh, staideanna infheistíochta fo-optamacha agus an bhearna infheistíochta in earnálacha spriocdhírithe.

Infheistíochtaí inbhuanaithe, straitéiseacha

Tacaíonn InvestEU le hinfheistíochtaí straitéiseacha i monarú cógas, feistí leighis agus soláthairtí - atá ríthábhachtach i gcás paindéime. Ina theannta sin, tacaíonn sé le táirgeadh compháirteanna agus feistí Faisnéise agus Cumarsáide Teicneolaíochta san Aontas.

Déanfaidh sé maioniú freisin ar thionscadail inbhuanaithe a mbeidh sé ar a gcumas a ndea-thionchar comhshaoil, aeráide agus sóisialta a chruthú. Beidh na tionscadail sin faoi réir an phrionsabail 'gan dochar suntasach a dhéanamh'. Ciallaíonn sé sin nach féidir leo tionchar diúltach a imirt ar chuspóirí comhshaoil agus sóisialta an Aontais.

Sa bheiris air sin, rinne na Feisirí cinnte de go rannchuvideoidh InvestEU leis an sprioc go gcaithfear 30 % ar a laghad de chistí an Aontais ar chuspóirí aeráide faoi 2027 agus go dtacóidh sé le FBManna a raibh drochthionchar ag an bpaindéisim orthu agus atá i mbaol dócmhainneachta.

Infheistíochtaí breise de thart ar €400 billiún

Déanfar an infheistíocht breise, a mheastar a bheidh ionann le €400 billiún agus an ráthaíocht AE, a dháileadh ar na cuspóirí beartais seo a leanas ar fud an Aontais:

1. bonneagar inbhuanaithe: thart ar 38%
2. taighde, nuálaíocht agus digiteáil: 25 %
3. FBManna: thart ar 26%
4. infheistíocht shóisialta agus scileanna sóisialta: thart ar 11%

Chomh maith leis sin, tabharfar €375 milliún breise don Chiste Eorpach Infheistíochta, a bheidh páirteach i gcur chun feidhme chlár InvestEU.

Athluanna

Le linn na díospóireachta Dé Máirt, dúirt [José Manuel Fernandes](#) (EPP, PT), an Feisire ceannais ón gCoiste um Buiséid: "Teastaíonn ón AE go mbeadh infheistíochtaí poiblí agus príobháideacha ón AE níos iomaíche, níos táirgiúla agus go ndéanfaí leo chomhtháthú críche a

threisiú. Cuireann InvestEU cistí breise ar fáil chun go mbeifí in ann tionscadail a chur i gcrích, nach dtarlódh gan na cistí sin. Ba cheart go mbeadh ár n-earnálacha straitéiseacha, amhail cóbhaisíocht, neamhspleách. Ní mór dúinn cuidiú leis na réigiún is mó a d'fhulaing, agus tá infheistíocht agus poist ar ardchaighdeán tuillte ag saoránaigh an AE.”.

Dúirt [Irene Tinagli](#) (S&D, IT), atá i mbun caibidlíochta thar ceann an Choiste um Ghnóthaí Eacnamaíochta agus Airgeadaíochta: “Rinneamar níos mó cistí a atreorú chun spriocanna comhshaoil a bhaint amach, chun tacú le FBManna, a d'fhulaing mar gheall ar an bpaindéim, agus d'éirigh linn InvestEU a chur i gcroílár NextGenerationEU. Ós rud é go gcuideoidh InvestEU linn téarnamh ón bpaindéim, chruthaíomar sineirgí leis an tSaoráid Aisghabhála agus Athléimneachta, ag ligean do bhallstáit cuid dá bpleannána téarnaimh agus réitigh a chur i bhfeidhm tríd an InvestEU.”.

Na chéad chéimeanna eile

Ó bheidh an rialachán formheasta go foirmiúil ag an gComhairle, tiocfaidh sé i bhfeidhm an fichiú lá tar éis lá a fhoilsithe in Iris Oifigiúil an Aontais Eorpaigh.

Tuilleadh eolais

Téacs arna ghlacadh (9.3.2021)

[Suíomh gréasáin ar leith do InvestEU le samplaí de na tionscadail a fhaigheann tacaíocht ón Aontas](#)

[Faisnéisiú Mheitheal Mhachnaimh Pharlaimint na hEorpa: Clár InvestEU: Ag leanúint le CEIS sa chéad CAI eile](#)

Rapóirtéir don Choiste um Buiséid, José Manuel Fernandes (EPP, PT)

Rapóirtéir don Choiste um Ghnóthaí Eacnamaíochta agus Airgeadaíochta, Irene Tinagli (S&D, IT)

Teagmhálacha

Fionnuala CROKER

Press Officer in Ireland

📞 (+353) 16 057 932

📱 (+353) 86 851 4067

✉️ fionnuala.croker@europarl.europa.eu

Dorota KOLINKA

Press Officer

📞 (+32) 2 28 32787 (BXL)

📞 (+33) 3 881 76725 (STR)

📱 (+32) 498 98 32 80

✉ dorota.kolinska@europarl.europa.eu

✉ econ-press@europarl.europa.eu

🐦 @EP_Economics
